

Alti A-B-C-Clique

1900 - 1930



1. Mir singe 's A.-B.-C.
Uf unseri Art, wenn Fasnacht isch — —
Mir bitte jetz um Ruch!
Sunsch bloosed uns in d'Schueh.
He jo! He nai!
Wenn Eine 's Johr-dur Böge macht
Und meint, es küm' nid us — — —
Däm gämmer eins uf d'Nuss!
2. E Volksvertreter sait:
„Ueb' Immertreu und Rütlichkeit!
E Razzia bi'm Wy,
Das sott verbotte sy!“
He jo! He nai!
Der Wieser hilft im Lumbbepack,
Dä wird jo nimme rot —
Im Grosse Rote Rot!
3. Had d'Müllere het — si het
Mit Heroin und Schnallegill
Versaut e halbi Welt!
Jetz het'er e Hulfe Geld — — —
He jo! He nai!
Bald jedes G'schäft sy Doggder het —
Kei Delfel kumt meh drus — — —
Und jetz no 's Schällehus!
4. Der Säuplatz ohni Mäss — — —
Wo d'Rösslirytti g'schtande-n-isch,
Do isch der Platz jetz leer,
Nur d'Säu hän feil der Schmä — — —
He jo! He nai!
Und jedi Nacht isch Hochbetrieb —
Do g'schsch, was lauft und stoht:
Fascht Jedi goht — und loh't — — —
5. Im Lohahof nimmt me's g'nau!
Wenn dert e Strolch dur d'Latte goht,
Denn isch me-n-allgemein
Der Ansicht: 's lähli Ein!
He jo! He nai!
Kai g'sündere Schlof git's niemols nie,
Als dä vor Mitternacht — —
Und b'sunders uf der Wacht!
6. En-Ordaig herrscht bi uns!
Und wenn der ganzi Schnee verbrennt:
„Verkehr muess sy — bigott!
Lut Potizei-Verbott!“
He jo! He nai!
Und 's G'setzbuech isch jo kinderlycht
Zuem merke: iberhaupt —
's isch aifach nyt erlaubt!
7. Wer d'Musig-Kasse fiehrt —
Und Uniform und Säbel trait,
Dä sott nid unterschloh' —
Und b'scheide „barfuess“ goh'!
He jo! He nai!
Doch wenn du jetz e Gauner triff'sch,
So gang-em us-em Weg!
Sunsch heisst's: Salü — Kolleg!
8. Was d'Frauenwält betrifft:
„Me“ trait jetz hinte wieder lang —
Und vorne ehnder kurz — — —
Der letschdi Mode-Furz!
He jo! He nai!
Wenn d'Schnägge-Zyt voriber isch,
Salt Mlingge: degg-di zue!
Und 's Fidle het sy Ruch — — —

O. K.

Kemmet alli
am Sunndig no der Fasnacht zobe-n-am siebeni
an Schluss-Obe vo de Comité-Schnitzelbänk ins
Casino, s'wird immer sauglunge.